

**NAATSUMIK ILISIMATITSINEQ #6: 18· SEPTEMBER  
2017**

**TUNUMUT ORNIGULLUNI SULINEQ**



**Rachael Lorna Johnstone & Anne Merrild Hansen, Issittumi Uuliamik Gassimillu Misissuinermut Immikkoortortaqarfimmi Professorit aamma Issittumi Uuliamik Gassimillu Immikkoortortaqarfimmi Pisortat**

August 2017-imi Tasiilamut, Tunumut aallarpugut taakani najugallit neriuutaat, siunissamut kissaataat eqqasuutaallu nunap ilaani ineriarnermut atassutillit pillugit oqaloqatigiartorlugit. Aatsitassarsiornerup ineriarnermut atatillugu sunniuteqarnissa ilimasuutigineqartoq pingaartumik oqaloqatigiissutigaarput.

2017-imi Tasiilap qanittunnguani piiaaffinnik uuliamillu suliniuteqarnermik ingerlatsisoqanngilaq. Taamaattorli Tunup avannaata eqqaani immami uuliamik misissuinerit tallimat ingerlanneqarput aamma avannarpasinnerusumi, Jameson Land-imik nalunnginneqartumi, misissuinissamut pisinnaatitsissuteqartoqarpoq. Amerlanerit Ittoqqortoormiit, Mestersvig Citronenfjord-illu eqqaanni ingerlatseqatigiiffiup Ironbark-ip saviminermik, zinkimik aqerlumillu ujarlerfigai.

Tasiilami inuit aqqaneq-marlk naapippavut, Kommuneqarfik Sermersooq, Inatsisartut, takornarialerisut, ilinniarfinneersut, piorsarsimassuseq pillugu suliallit, peqqinnissaqarfik illoqarfimmiillu allat ilanngullugit.

Inuit naapitagut illoqarfiup eqqaalu ineriarneranut atatillugu mianersortumik neriuulluartut nalaarpagut. Sualummik takornarialerititsisoqarfiiit. Inuit aatsitassalerinerup sunniuteqarnera pillugu apeqqummik kiinarsisinneqarlutik erseqqissarpaat ulluinnarni aatsitassarsiorneq oqaluuserineq ajoraat eqqarsaatigaluguluunniit. Aallaavittut aatsitassarsiorneq akerliuffigingilaat kisianni eqqaminni nunattalu sinnerani piaasoqarsinnaanera avatangiisnut inuinullu qajassuussilluarluni pilersaarutigineqartariaqartutut isigaat, inuussutissarsiutaasinnaasut ajoquserneqannginnerussammata.

Pingaartumik inuit erseqqissarpaat aatsitassalerineq takornarialerititsisoqarfllu (illoqarfimmi aningasaqarnermut pingaartutut aallaavittut isigineqartoq) imminnuit saqitsaassanngitsut.

Oqaloqatigisatsinni inuit amerlasuut nunartik ilaani aatsitassat pillugit paasissutissanik pinerorusupput aamma ataatsip siunnersuutigaa Ilisimatusarfik geologiimi allaatigisanut tunngasunik Tunumiunut paasissutissanik ingerlatitseqqiisartuusinnaasoq. Geogii akuersisummillu tunisiaariaaseq pillugit ilinniagaqarusunneruneq oqaatigineqarpoq, najugaqavissut aatsitassalereratarsinnaaneranut akuersisummillu tunisiaariaaseq pillugit aatsitassarsiornerlu inuussutissarsiutinik pioreersunik katigutsillugit, soorlu takornariaqarneq, eqqumiitsuliorneq sanaalunnerlu.

Tasiilami annertuumik namminersortoqartoq aallarneerusussuseqartoqartorlu paasivarput. Inuit nalinginnaasumik qanoq atortussat iluaqutaasinnaanissaannik

periutsinik isumaliutiginnittarput. Nalinginnaasumik inuit periarfissanik nutaanik ujarlernermet naleqqiullugit eqeersimaartoorpasittuupput tunuarsimaaratillu. Kommunip, namminersortut allalluunniit inuussutissarsiutinik ineriartortitsinermik pilersitsinissaannut naleqqiullugu utaqqiinnanngilaat.

Tasiilap suli inuiaqatigiit aningaasaqarnerani unammillernartut nalaarpai, assersuutigalugu inoqutigiit piitsut aamma ilinniarnermi sulinermilu periarfissat killillit. Taamaakkaluartoq inuiaqatigiit ataatsimuualaartut kiisalu inuit ilaqtuttallu akunnerminni ataqatigiinnerat nukittooq siumorparput.